

Rapport annuel 2022 Droselöng, parsura da chüra

Düraunt l'an 2022 sun gnidas fattas seguaintas lavuors da chüra il territori da la societad :

Favrer/Marz :

Mieu an da chüra ho cumanzo cun surpiglier quista carica. Co am vuessi ingrazcher tar Steivan Luzi chi m'ho surdo tuot bain perparo ed es sto pront da'S piglier il temp da spiegher las robas las pü importantas.

Avrigl:

Principi avrigl sun gnidas cumadedas las saivs d'amfibias dal biotop Chalgias ed a Madulain. La fin avrigl vains alura pudieu salver abundant 470 raunas chi sun gnidas purtedas cun sadellas il biotop da Chalgias.

Impü ho gieu lö il di da scolaziun per nos pilots da dronas pel salvamaint d'uzöls. Co vains nus pudieu profiter da las experienzas dad Armon Schlegel chi ho mno quist cuors.

Meg :

In meg ho gieu lö nos di da lavur cumöna. Oter cu üsito vains quist an fat uorden ün tagl da laina a Brail invezza da cumader las saivs dal Golf a Zuoz.

Gün :

Da prinzipi gün davaunt ho cumanzo l'organisaziun per il proget da salvamaint d'uzöls da chavriöl. Zieva cha vaivans da spetter lösch sün nossa drona, vains pudieu fer ils 1.lügl nos prüms svouls. In tuot sun nos voluntaris sto 11 bunuras a svuler ed haun pudieu salver 9 uzöls da chavriöl, impü sun duos uzöls già gnies sgios aunz cu cha nus essans rivos culla drona.

Ün grand grazcha fich a tuot la gruppa chi es steda sü di per di per fer quist lavur. Impustüt am vögli ingrazcher tar Armon ed Erwin chi haun coordino tuot ils svouls e sun stes sül lö bod mincha di.

Lügl:

Düraunt il di da chüra vains refat 120 m da la saiv d'amfibias a Madulain. Causa cha chaver oura la saiv existenta deira ün sforz pü grand, nu vains daltuot raggiunt il böt dal di.

Grazcha a l'agüd dals chatscheders e candidatas/ candidats d'eira il di listess ün success. Tar Ralf Fluor e Nicola Höllriegl dal forestel Madulain La Punt am vuessi ingrazcher per lur agüd.

Il gianter es scu minch'an gnieu perparo da Gudi, grazcha fich.

Avuost :

Düraunt il mais avuost sun gnies sgios ils seguaints pros da god :

- Plaun dals Tagliöls,
- Muotta Pitschna
- God Pignaint.

L'an es ieu a fin cun diversas preparaziuns pels lavurs da l'an chi vain.
Grazcha fich a la suprastanza per la buna collavuraziun.

Zuoz 25.10.2022

Parsura da chüra

Luis F. Wieser

A handwritten signature in black ink, appearing to read 'Luis F. Wieser', written in a cursive style.